



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fuldensivm Antiquitatvm Libri IIII.

Brouwer, Christoph

Antverpiæ, 1612

Cap. VI. Secunda, reparatio Fuldensis basilicæ, Hadamaro & VVerinhario
Abbatibus; & eiusdem labes, Ehrloffo Abbe, facta.

urn:nbn:de:hbz:466:1-39712

CAPVT VI.

De secundâ reparatione Fuldensis Basilicæ Hadamaro & Verinhario Abbatibus, & eiusdem labore Ehrloffo Abbe factâ.

TRISTIA inde & peracerba, imperio Germanico imposta vulnera, ab immanni Hungarorum gente; quæ tamquam humanitatis omnibus exsoluta vinculis, per crebras irruptiones, Alemanniæ, Franciæ, Thuringiæque prouincias cå feritate incursat, vt obuia quæque ferro flammaque obturret. Iam tum sæculo Christi ineunte nono, iteratis cædibus Thuringiorum ducum, qui fortiter eorum barbariem oppositu corporum excipiebant, noui hisce locis terrores additi; anno quippe Domini DCCCCVIII. Luitpoldi Ducus, mox sequenti, Burchardi occidione se cruentarunt. Hinc inter magni Ottonis vix adulta sceptræ, turbatis iam rebus, ybi Boij ac Suevi, hac pñè populationis procellâ obruti, Fuldam vsque penetrant, omnia humana diuinaque inimico animo proculcantes. Degebat Otto tum Herolfesfeldiæ Abbatâ Fuldensi geminâ, & itineris diei non totius interuallo apud Fuldam amnem ab hac nostrâ dissitâ, quando monasterium hoc cùm ipsâ basilicâ accepit, luctuoso periisse incendio. Memorant tristem hunc casum ad annum DCCCCXXXVII. veteres Chronographi: neq; tamen igni hostili an fortuito basilica conflagrârit, satis expllicant. Exustam quidem plerique consentiunt, quo tempore Hunni Buchoniam persultantes, Fulda, vicinisque locis, magnam vtique vastitatem & solitudinem importabant. Et priuatis quoque litteris annotatum, de cælo fuisse tactam. Atque hic ille famosi templi interitus, quem recolis in Hadamari Abbatis præconio, à Witichindo Saxoniarum rerum scriptore litteris proditum. Et Hadamarus sanè instaurati templi simul ac monasterij, maioreque splendore cumulati reportauit ingens decus;

Hungaroru
irruptiones.

Lambert.
Contract.
Rhegino,
Marianus.

Fuldensis ba-
silica incen-
dium.

decus; vnde in temporum libris, propriâ laude celebratur, *is*
qui monasterium Fuldae magnifico opere construxit. Porrò cùm tan-
tæ molis, cuius hodieque, licet & aliis cladibus attritæ, monu-
menta visuntur, exstructio, vix ipsius monasterij licet præpo-
tentis coaluerit impensis, satis ex ipsâ dedicatione colligitur,
Ottonem Magnum, de Fuldenzi monasterio ceteroqui præcla-
rè meritum, huius magnificentiæ tenuisse primas. id quod ex *Ottonis Ma-*
gni in Ful-
densem eccle-
siam merita.

Frodoardi Francici scriptoris fide digni Chronico, testatū ha-
bemus. Is quippe Marini Apostolici Legati rebus gestis enar-
ratis, postquam Franciæ regnum & Rhemorum ecclesiam ma-
lè pacataim, variis tradit composuisse Synodis, denique, air, Tre-
uiris conuentu peracto, inde Ottonis Magni iussu accersitum
in Saxoniam, anno salutis DCCCCXLVIII. ad ecclesiam Ful-
densem dicandam, recens iam tum ædificatam. Frodoardi ora
tio est: *His ita gestis Episcopi reuertuntur in sua. Luitulfus autem*
Capellanus Ottonis, Marinum vicarium deducit ad Regem suum in
Saxoniam, ubi consecratus fuerat ecclesiam Fuldensis monasterij.
Post eius consecrationem, idem Marinus exactâ hieme Romam reuertit-
tur. Haec tenus ex publicis Annalibus. Sed venit in manus in-
de liber membraneus Reliquiarum & Indulgentiarum mai-
oris ecclesiæ Fuldensis, varietate picturæ tamen insignior quam
antiquitate; in quo legebatur hæc ipsa dedicatio, Imperatore
Ottone, & magno Pontificum populique Christiani præsente
cœtu peracta, ipsâ die Sanctorum omnium, quæ hodieq. merca-
tu magis & annuâ nundinatione, ritu encæniorum, quam reli-
gione templi frequentatur. Fatentur autem hîc librarij, parum
se per bellorum & incendiorum casus dedicationis huius ex-
ploratam habuisse memoriam, cùm & Martini Papæ nomen,
pro Marini Papæ Legati, non semel usurpat, veterumq. con-
donationum aiunt oblitteratos fuisse codicillos. Verba sunt il-
lorum: Scire debent posteri nostri, quod, licet hoc venerabile Fuldense
*monasterium Dn. * Martinus Papa præsente Othono Imperatore, *Marinus*
studio Hadamari Abbatis, in magna Prælatorum ac populi Christiani
frequentia, ritè dedicauit in die omnium Sanctorum; & ex antiquâ
cōsuetudine ipsâ die, hoc in loco, populus fidelium confluere, &c. quia
tamen probare non poteramus libris vel litteris apud nos, prædictâ die
Indulgentias alias, quibus moderni allici solent, inueniri, supplicau-

Encanis
Principis
basilica.

muis

Q

0
veri
cuitate:
le nses.
IV
9

**Marinus* mus Alexandro IV. &c. alibi verò: **Marinus* Papa ecclesiam conseruans, in dedicatione ecclesiæ, præter aliam incognitam Indulgentiam, r̄um uisus.

LXXX. Carenas relaxauit. In quo tam antiquo ritu, condonatio feuerioris pœnæ, quam veteres Christiani ob grauiora scelera, moribus ecclesiæ, iussi iniussique subibant, obseruanda venit. Nam, cùm ab omni genere consuetæ voluptatis, aut vitæ iucundioris cohibiti, conuiuiis, epulis, balneis, thalamo vinoque feso abstinerent, si quid harum noxarum à Sacerdotibus laxa-

Tribur. Cō-menti datum fuisset, Indulgentiam vocabant. Vnde Carena

cil. c. 54.

Burchard. Theologorum sententiâ relaxatio est tantæ pœnæ, quantam decret. lib. 19

Bellar. de

Indulg. c. 9. ptu, pœnitens exsolueret. Quòd verò ad Ottonis Imperatoris

Valent. c. 6.

& Tom. 1. in assiduitate in, quam rebus ille diuinis impertiit, egregij codicis

3 D Thom.

M. S. Chro- diuine religionis, in diebus festis ad Vesperas, ad Matutinas, atque ad

nicon Fran-

co-Saxoni- cum, & con- Missam, cum honorabili Episcoporum ac totius cleri processione, ad ec-

fenuit Dit.

mari Episc. cleiam duci solebat; ibique, cum magno timore Dei & reuerentiâ flans

Chron. lib. 2.

aut sedens, nihilque præter diuinum loquens, donec finirentur vniuers-

Ottonis Ma-

gai in tem- sa, perstebat; deinde ad cubiculum suum cum luminaribus multis, co-

plus assidui-

tus. mitatuque magno Sacerdotum, Ducum ac Comitum, redibat. Sed ad

lineam. Ex Hadamari fabricâ præter nauis interioris columnarum opus & adumbratum hemisphærium Orientale, nihil admodum deprehendimus superesse, contraetâ iam ita basili-

câ, ut quæ humilioris tecti latera tamquam alæ vtrimeque por-

riguntur, ornaementis suis omnino careant, columnis, quæ olim

Huius basili- suâ serie laxiùs dispositæ, nunc opere tectorio velut inclusis, &

ea labes no- parietis cæmento mersis. Quamobrem, quæ super epistylia col-

tatur. umnarum scripture, litteris semiuncialibus, ab Ortu obscure,

Inscriptio clariùs à Boreâ in subsolanum legitur, mutilâ quamuis sen-

dedicationis. tentiâ, memoriam tamen huius Marinianæ Dedicationis, li-

quidò comprehendit. Legitur autem epigrammati illius mo-

dò tantum:

IN HONOREM S. GENITRICIS MARIAE SEMPER VIRGI-

NIS. AC SANCTORVM APOSTOLORVM PETRI ET PAVLI.

ET OMNIVM DVODECIM APOSTOLORVM SANCTORVM Q.

MARTYRVM BONIFACII ATQ. SIMPLICII INNOCENTII.

ET CETERORVM SANCTORVM OMNIVM.... S. CVRIA

AB..

AB.. VNIVERSIS CATHOLICIS EODEM DIE VENERATVR
ET CELEBRATVR AD LAVDEM ET GLORIAM DEI..
ANNO INCARN

TRANSDVXIT

..... HANC AVLAM DOMI
NO RITE DICAVIT.

Werinharium hinc in sarcidâ templi labe, Hadamari æmulum fuisse dices; ita cùm in cetero eius vitæ cursu, tum in fabricarum molitione, nescio quid excelsum & generosum spirat. Porticum certè ad basilicam ab Orientali fronte, dupli circumiecto columnarum ordine, exstruxit, magno ædis ornamento: & seu suis, seu regiis impensis, oratorium addidit in fine peristyli venustris eximiæ; in quo, arte Corinthiâ factæ columnæ hinc & inde ad longitudinem facelli, diametro & proportione prorsus visendæ. Pavimentum fuit è laterculo læuigato, sed triongi in morem cuspidibus in vicem sibi obuersis. Quo autem loco ara sterit, nam iniuria vetustatis interuenit, supernè in laqueato fornice antiqua pictura cernitur, colore tam viuido ac recenti, vt ætatem eam tulisse non crederes. In folio sedet Dominus, & circum iuxtaque expressa animalium ea species, quæ per cælestè visum Ezechieli Prophetæ oblata, subiectiæ Versus in hemicyclo:

CLAVSULA FONS RERV M DOMINANS ANTIQVE DIERVM.
HANC HABITANS AEDEM NOS GRATAM FACTIBI SEDEM.

Acta vetusta huius Ecclesiæ Præfulum de hoc opere sic memorantur: *VVernherus omni deuotione diligens decorum domus Dei, fecit Paradisum in Orientali parte ecclesie, columnis, porticibus inferioribus & superioribus, honorisçè constructis. Capellam etiam, Regia dignitate fulgentem apposuit, ita ut locum ipsum Paradisum voluptatis non immerito appellare possimus.* Latum fuit, in huius oratorij semirutis parietinis dedicationis monumentum, elegans litterarum notis incisum, oculis obire, et si occiduum latus aberat, quo numerus annalis olim comprehensus videtur.

DEDICATVM EST HOC REGALE SACELLVM. IIII. NON.
IVN. A BEATO VODALRICO AVGUSTAE CIVITATIS EPI-

Q 2

SCOPO

SCOPO . . . in hon. OREM XPI DNI SANCTIQ. BAPTISTAE IOANNIS. ROGATV REVERENDI ABBATIS WERINHARII. . . .

Sancta h̄ic & magna nomina legis. Nec abs re laudant maiores *Vodalricum*, *facellum id proprius consecrassē manibus*, dignum vtique virum, cuius ob admirabilem vitē sanctimoniam, & honos & patrocinium nullā temporis vetustate languescat. Regale facellum cur Werinharius inscriperit, à Regum magnificentiā, an à Regum vsu (ambobus enim Ottoni primo & secundo catus Antistes hic extitit, fors ob generis splendorem virtuti parem) manet inexploratum.

Iam deinceps ruinam exitialem, quæ veteri templo anno MCXX. Ehrloffo Abbe ad ceteras tunc calamitates superuenit, edisseram, eorum fide, qui cladis spectatores, haud sine commiseratione & gemitū, eam prodidere. Quippe post minitantium tectorum malè sartos hiatus, annonæ subtractæ penuriam, disciplinæ contemptum, cùm viginti amplius annis congregatio omni pænè malorum genere diuexata fatisceret, hoc inmedicable vulnus insuper, magno cum probro dolosque sensu accepit: Pridie namque *Idus Decembris*, inquiunt, primo galli cantu sancti huius templi toto orbe famosissimi pars Orientalis ingenti labe funditus concidit, & turrim Meridianam cum duabus porticibus quæ adhærebant, vñā traxit, soloque stravit. Sanctuarium Virginis Dei genitricis, mira picturarum varietate, comminuit. Altaria SS. Simplicij, Faustini, Beaticis, Processi & Martiniani, disrupto pavimento labefecit. Atque hoc sanè malum auerti Prelatorum industria poterat, nisi querere sua quam Christi aliquando maluissent. Tamen, qui tristibus plerumque leta iungit, lugentibus & casum tam acerbūm deplorantibus, inter hēc Christus Dominus evidens suæ potentiae documentum ostendit. Nam incomparabili illā ruinarum mole, multo monachorum sudore reiecta, ecce tibi emersere corpora Sanctorum martyrum Simplicij, Faustini, & Beaticis, quæ post altare Virginis-matris sub arā sui nominis conquiescebant, non solum intollata, sed à casu prorsus intacta; eademq. incredibili gratulatione monachorum, & magno cleri populiisque concursu, XVII. Kalend. Ianuarij, iuxta primarium altare S. Bonifacij recondita sunt. Par conditio extitit ceterorum pignorum, quæ suis in arcis, infracto sigillo, passim integræ

M.S. Glos.
ad acta Fuld.
Abb. M.S. iis
propè verbis.
*Templi secū-
da interiorio.*

*Sanctorum
corpora illa-
sa à templi
ruinā.*

tegra aduersus labem hanc diuinitus conseruata. . . . Sed triste interea obuerfabatur omnium oculis spectaculum, cum domus inclyta, olim Regibus ac dynastis cara, patebat aeris & pecudum iniuriis; & nemo ex tot milibus, qui in tuam, o parens diua Fulda, hereditatem venerant, nemo ex filiis, inquam, tuis, qui id tibi meritò debebant, repertus est, qui manum vel cor ruinis his abolendis apponeret, donec anno vindicati orbis MCXXIII. Vdalrico Abate, collapsum opus resurgere cœpit. In hanc sententiam, exiguo verborum deflexu, antiqui huius loci ecenobitæ. Ceterum Marquardi tandem præcellentis virtute Antistitis operâ, moles Orientalis hæc ad summum educta, & diuæ Dei genitrici cum subiectâ testudine consecrata, præsente Friderico Imperatore, & plerisque aliis regni proceribus, anno MCLVII. feria vi. ante Palmarum, id est, xi. Kal Aprilis, Euerardo Bambergensi & Hermanno Werdensi, Episcopis, cæremoniâ solemni, eam dedicantibus.

*Marquardus Abbas
Orientalis
templi par-
tem erigit.
Crypta hæ-
dicta Oriëta-
lis ad S. Ma-
riam.
*Virdunen.
Sigmundosè.
Super Her-
manno adi
Metrop. Sax.
ib 6. c. 19.
Alb. Krant-
zij.*

C A P V T VI I.

De secundo & tertio Fuldensis ecclesia incendio.

EXITERE posthæc & aliæ causæ, cur basilica Fuldensis ceu properans ad interitum funditus periret; altera peculiari fuit ab unius hominis intemperatiâ & ebrietate, cui templi custodia demandata; altera per communis disciplinæ laxamentum diuinitus inuecta creditur, quum feminis primùm basilicam ingredi permisum est. Eam hisce verbis Ioannes Merlauius Abbas, opem afflictis rebus implorans, ad Bonifacium IX. retulit, anno MCCXCIX.

Beatissime Pater, non sine graui cordis mœrore ac lugubri mæstiaq. voce beatitudini vestre exponimus, quod nuper die septimâ mensis Iunij anni proximè præteriti, paulò ante medium noctis, suborta saeva tempestas aeris, veniens sicut fulgur ignis de caelo, sanctam ac venerandam, miraque ac pretiosæ structuræ ecclesiam monasterij vestri Fuldensis, ordinis S. Benedicti, Herbipolensis diaœcis, sicut Deo placuit subito & inopinatè inuasit; totamque huius fabricam miserabiliter per grande & horrendum incendium funditus destruxit, & quasi in nihilum, in fauillam & emeres rededit.

Q 3

Deus